

लोकः स॒म्राडि॒ति ह्ये॒नमु॒वाचै॒षास्य॒ पर॒मा स॒म्पदेषोऽस्य॒ पर॒मो लो॒क ए॒षोऽस्य॒
 पर॒म आ॒नन्द॒ एत॒स्यै॒वान॒न्दस्या॒न्यानि॒ भू॒तानि॒ मा॒त्रामु॒पजी॒वन्ति ॥३१॥ स यो
 मनु॒ष्याणां॑ रा॒जः स॒मृद्धो॒ भव॒ति । अ॒न्येषा॒मधि॒पतिः॒ सर्वै॒र्मानु॒ष्यकैः॒ कामैः॒ स॒म्पन्न॒-
 तमः॒ स मनु॒ष्याणां॑ पर॒म आ॒नन्दः ॥३२॥ अथ॒ ये श॒तं मनु॒ष्याणा॒मान॒न्दाः । स
 ए॒कः पि॒तॄणां॑ जि॒तलो॒काना॒मान॒न्दः ॥३३॥ अथ॒ ये श॒तं पि॒तॄणां॑ जि॒तलो॒काना॒-
 मान॒न्दाः । स ए॒कः क॒र्मदे॒वाना॒मान॒न्दो ये क॒र्मणा॒ दे॒वत्व॒मभिस॒म्पद्य॒न्ते ॥३४॥
 अथ॒ ये श॒तं क॒र्मदे॒वाना॒मान॒न्दाः । स ए॒क आ॒ज्ञान॒दे॒वाना॒मान॒न्दो यश्च॒ श्रोत्रि॒यो
 ऽवृ॒जिनोऽका॒मरु॒तः ॥३५॥ अथ॒ ये श॒तमा॒ज्ञान॒दे॒वाना॒मान॒न्दाः । स ए॒को दे॒व॒-
 लो॒कऽआ॒नन्दो॒ यश्च॒ श्रोत्रि॒योऽवृ॒जिनोऽका॒मरु॒तः ॥३६॥ अथ॒ ये श॒तं दे॒वलोक॑
 ऽआ॒नन्दाः । स ए॒को गन्ध॑र्वलो॒कऽआ॒नन्दो॒ यश्च॒ श्रोत्रि॒योऽवृ॒जिनोऽका॒मरु॒तः
 ॥३७॥ अथ॒ ये श॒तं गन्ध॑र्वलो॒कऽआ॒नन्दाः । स ए॒कः प्र॒जाप॒तिलो॒कऽआ॒नन्दो
 यश्च॒ श्रोत्रि॒योऽवृ॒जिनोऽका॒मरु॒तः ॥३८॥ अथ॒ ये श॒तं प्र॒जाप॒तिलो॒कऽआ॒नन्दाः ।
 स ए॒को ब्र॒ह्मलो॒कऽआ॒नन्दो॒ यश्च॒ श्रोत्रि॒योऽवृ॒जिनोऽका॒मरु॒त ए॒ष ब्र॒ह्मलो॒कः
 स॒म्राडि॒ति ह्ये॒नमु॒नुश॒शासि॒तद॒मृत॑ सोऽहं॒ भग॒वते स॒हस्रं॒ ददा॒म्यत॒ ऊर्ध्वं॒ वि॒मोक्षा॒-
 यैव॒ ब्रूही॒ति ॥३९॥ स वा॒ऽए॒ष ए॒तस्मि॒त्सम्प्र॒सादे॒ । रत्वा॒ चरि॒त्वा दृ॒ष्ट्वैव॒ पुण्यं॒
 च पा॒पं च पु॒नः प्र॒तिन्या॒यं प्र॒तियो॒न्याद्र॒वति॒ बु॒द्धात्त॒यैव॒ स यद्त्र॒ किञ्चित्प॒श्यत्य॒-
 नन्वा॒गत॒स्तेन॒ भव॒त्यस॒ङ्गो॒ ह्ययं॒ पु॒रुष॒ इत्ये॒वमे॒वैत॒द्याज्ञ॒वल्क्य॒ सोऽहं॒ भग॒वते
 स॒हस्रं॒ ददा॒म्यत॒ ऊर्ध्वं॒ वि॒मोक्षा॒यैव॒ ब्रूही॒ति ॥४०॥ अत्र॒ ह या॒ज्ञव॒ल्क्यो बि॒भयां
 च॒कार॒ । मे॒धावी॒ राजा॒ सर्व॑भ्यो मा॒न्तेभ्य॒ उद॑रौत्सीद॒ति स य॒त्राणि॒मानं॒ न्येति॒ ज-
 र॒या वो॒पत॒पता॒ वाणि॒मानं॒ निग॑हति॒ यथा॒म्रं वो॒डुम्ब॑रं वा पि॒प्पलं॒ वा ब॒न्ध॒-
 नात्प्र॒मुच्ये॒तैवमे॒वाय॑ शारी॒र आ॒त्मैभ्योऽङ्गे॒भ्यः स॒म्प्रमु॒च्य पु॒नः प्र॒तिन्या॒यं प्र॒तियो॒-
 न्याद्र॒वति॒ प्राणा॒यैव ॥४१॥ तद्य॒थानः॒ सु॒समा॒हितम् । उ॒त्स॒र्ज्याया॒दे॒वमे॒वाय॑